

## 6 ميليون ايراني اۆلكه نى خاريجينده ياشير

اۆلكه نىن ثبت احوال سازماني نىن بين الميلىل ايشلر موشاويري دئدى: 6 ميليون ايراني اۆلكه نى خاريجينده ياشير.



اۆلكه نىن ثبت احوال سازماني نىن بين الميلىل ايشلر موشاويري دئدى: 6 ميليون ايراني اۆلكه نى خاريجينده ياشير.

جام جم آنلاين: اۆلكه نىن ثبت احوال سازماني نىن بين الميلىل ايشلر موشاويري بونو دئمگين كى خاريجده ياشايان ايراني لاردان دقيق آماريميز يوخدور، دئدى: 4 تا 6 مييون ايراني خاريجده ياشاير.

فارسين گوزارباشينه گؤره، محمود حليمي اكو عضولري ثبت احوال سازمانلاري نىن بيرينجي ايجلاسي موناسييتينه قورولان خبري كونفراسدا دئدى: بو ايجلاس مهري 11-يندن 12-سينه جن «لاله» هوتلينده عضو اۆلكه لرين حوزورو اينن قورولاجاق.

او ايدامه وئردى: بو تازا بير ايتيكاردير كى خاريجي ايشلر وزارتني نىن هماهنگ ليگي ايله اكونون 10 عضوي آراسيندا قورولاجاق.

حليمي بو ايجلاسين هدفلرينه ايشاره ائديب دئدى: تجروبه و دانيش تبادولي اوچون، موختليف اۆلكه لرين ثبت احوال سازمانلارين تانيش اولماق بو ايجلاسين لاب موهوم هدفلريندندير.

او ايدامه وئردى: ايجلاسين ايدامه سينده سيجيلى لرين و كيمليك سنديلرين امنيتي باره سينده ايطيلاعات موباديله اولاجاق كى اۆلكه ميزين آماده ليگي وار امنيتي ضريبين چوخالتماق اوچون، لازيم اولان ايطيلاعاتي او بيرى اۆلكه لرين ايتياريندا قويسون.

هوشلي كارتين پايلوتي بو ايل باشا چاتير

اۆلكه نىن ثبت احوال سازماني نىن بين الميلىل ايشلر موشاويري هوشلي كارت وئريلمه سي باره ده دئدى: هوشلي كارتين پايلوتو كئچن ايلين آخىرلرندن «قم» دا باشلايب و بو ايلين آخىرينه جن قورتولاجاق.

او بونا ايشاره ائله مگين كى تركيه و پاكستانين هوشلي كارت وئرمكده ياخجى تجروبه لري وار، دئدى: بو ايجلاسا بو اۆلكه لرين تجروبه لريندن ايستيفاده ائله مك اولار.

حليمي دئدى: جمعيتي ايطيلاعات پاگاھلاري 700 نوقطه ده فعالديلا و ايكي دوغوم و اؤلوم حاديتهلريني آنلاين صورتده مربوطه مرجعله گوزاريش وئيرلر.

اۆلكه نىن ثبت احوال سازماني نىن بين الميلىل ايشلر موشاويري خايطرلاتدي: بو ايجلاسا بير سايت نظرده توتولوب كى اكو عضولري اؤز دستاوردلريني بو سايتدا آيري اۆلكه لره اعلام ائليلر.

او خاريجده ياشايان ايراني لارين سايبسي باره ده دئدى: خارجه ياشايان ايراني لار باره ده موختليف آمارلار وار، خاريجي ايشلر ويزارتني نىن طريقي اينن بيزه يوللانان آمارا گؤره 4 تا 6 ميليون ايراني خاريجده ياشاير.